



Na osnovu člana 22 Statuta Brčko distrikta BiH („Službeni glasnik Brčko distrikta BiH“, broj 2/10 – prečišćeni tekst), Skupština Brčko distrikta BiH, na 48. redovnoj sjednici održanoj 19. jula 2023. godine, usvaja

**ZAKON**  
**O IZMJENAMA ZAKONA O JAVNO-PRIVATNOM PARTNERSTVU U BRČKO**  
**DISTRIKTU BOSNE I HERCEGOVINE**

**Član 1**

U Zakonu o javno-privatnom partnerstvu u Brčko distriktu Bosne i Hercegovine („Službeni glasnik Brčko distrikta BiH“ broj 07/10), u članu 2 mijenja se tačka j) i glasi:

„j) „konsultant“ je fizičko ili pravno lice koje posjeduje specijalistička znanja nužna za pripremu, ugovaranje i provođenje projekata JPP-a.“

**Član 2**

U članu 4 Zakona mijenja se stav 2 i glasi:

„(2) Projektima javno-privatnog partnerstva ne mogu se smatrati dugoročna nabavka usluga kojima javna tijela pribavljaju samo usluge u kojima privatni partner ne učestvuje u finansiranju i snošenju rizika.“

**Član 3**

Član 9 Zakona mijenja se i glasi:

„Član 9

(Angažovanje konsultanta)

(1) Vlada, na prijedlog Komisije ili na sopstvenu inicijativu, odlučuje o angažovanju konsultanta za pitanja koja se odnose na: finansiranje, oporezivanje, osiguranje, pravna, tehnička ili druga pitanja u vezi s projektom.

(2) Komisija provodi postupak odabira konsultanta u skladu s Odlukom koju donosi Vlada.“

**Član 4**

U članu 11 Zakona mijenjaju se stavovi 1 i 2 i glase:

„(1) Odlukom se propisuju kriteriji i postupak odabira privatnog partnera, koji se provodi putem javnog poziva.

(2) Odluku iz stava 1 ovog člana donosi Vlada na prijedlog odjeljenja nadležnog za privredni razvoj u roku od 30 dana od dana stupanja na snagu ovog zakona.“

**Član 5**

Član 12 Zakona mijenja se i glasi:

„Član 12

Komisija je dužna provjeriti ekonomsku, finansijsku, tehničku i profesionalnu sposobnost privatnog partnera u skladu s uslovima iz javnog poziva.“

**Član 6**

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02-4331/23

Brčko, 19. 7. 2023. godine

**PREDSJEDNIK**  
**SKUPŠTINE BRČKO DISTRIKTA BiH**  
**mr. sci. Siniša Milić**